

HELSEDIREKTORATET
Postboks 220 Skøyen
0213 OSLO

Att. Ingvild Grendstad

Dykkar ref.: 24/17044
Vår ref.: 2024/594 - 7896/2024

Saksbehandlar:
Maren Stapnes Ege

Dato:
11.07.2024

Høyrings svar frå Helse Vest - overføring av legemiddel mot tuberkulose til RHF-a i 2025

Helse Vest RHF takkar for invitasjonen til å gi høyrings svar på forslag om overføring av legemiddel mot tuberkulose til RHF-a i 2025.

Helse Vest støttar forslaget om overføring av finansieringsansvaret for legemiddel mot tuberkulose til dei regionale helseføretaka. Dette vil gje spesialisthelsetenesta betre føresetnader for vidare arbeid med å sikre leveringstryggleik og beredskap for legemiddel til pasientar med tuberkulose, spesielt multiresistent tuberkulose.

Helse Vest har ingen kommentarar til føreslått utval av legemiddel.

I det aktuelle høyringsbrevet om overføring av legemiddel mot tuberkulose (datert 31.05.24) blir det også vist til avgjerd om iverksetting av overføring av legemiddel mot infeksjon til parenteral bruk og parenteral ernæring 1.1.2025. I høyringa knytt til desse legemiddelgruppene (desember 2021) kom det fleire innspel om manglande tekniske føresetnader for h-reseptforskriving og elektronisk oppgjør. Helse Vest ynskjer meir informasjon frå Helsedirektoratet om status for tilrettelegging for overføring av legemiddel mot infeksjon til parenteral bruk og parenteral ernæring. Vi legg til grunn at ei tilfredsstillande elektronisk oppgjørsordning er på plass før finansieringsansvaret for desse legemiddelgruppene blir overført til dei regionale helseføretaka.

Vennleg helsing

Panchakulasingam Kandiah
ass. fagdirektør

Maren Stapnes Ege
seniorrådgivar

Dokumentet er elektronisk godkjent av: Panchakulasingam Kandiah ass. fagdirektør

Digital kommunikasjon

Vi har elektronisk saksbehandling og er opptekne av at informasjon, også underlagt teieplikt, skal kunne sendast på ein rask og sikker måte. Vi ber derfor om at eit eventuelt svar på denne førespurnaden blir sendt gjennom ein av desse kanalane:

- Privatpersonar og private verksemdar: [eDialog](#)
- Offentlege verksemdar: eFormidling (via eige saks-/arkivsystem)